

洛水詞一卷

程琰

洛水詞

目錄

水調歌頭五調

步虛詞一調

壺中天慢一調

水龍吟一調

賀新郎一調

傾杯樂一調

滿庭芳三調

六州歌頭一調

沁園春六調

燭影搖紅一調

喜遷鶯四調

寶鼎現一調

醉蓬萊二調

減字木蘭花一調

滿江紅二調

錦堂春一調

謁金門一調

柳梢青二調

念奴嬌三調

西江月二調

洛水詞目錄終

洛水詞

目錄

洛水詞

宋 程垓

水調歌頭 （晉發烏江，朝至湖陰，月正午，舟中作。）

玉女掃天淨，雍觀掠江寬。問君何事底急，夜半挾舟還。三島眠龍驚覺，萬頃明珠碾破，涼月照東南。碧氣正吞吐，滿挹漱膺肝。煙蓬上，乘雲象，瞰天關。人間已夢我獨，危坐玩漫汗。螭殿黃昏未鎖，鶴筆翩跹蜚下，共吸酒壺乾。興罷吹笙去，風露五更寒。

又 （壬子五月二十三日，流杯玉泉雨忽大作，連賦水調二章，一書于壁，一備以貯。）

電闕驅神駿，鐵樵起癡蛟。木鳴山裂盛夏，白晝野虬號。急上瑤庭深處，爲問龍君何怒，挾破古天潮。日華開絢采，雨意屬詩豪。與君來，蜚玉佩，斬觚瓢。纖流沈羽，借我萬斛沸銀濤。醉拍滿缸香雪，寫竭一池濃墨，逸氣正飄飄。何事謫仙子，歸去續松醪。

又

日穀金鉏赤，雪竇水晶寒。支機石下翻浪，噴薄出層關。半夜雌龍驚走，明日靈蛇張甲，蜚上石盤桓。多謝山君護，未放醉翁閑。安得醉風泚泚，露珊珊。翠雲老子邀我，瑤佩駕紅鸞。一勺流觴何有，萬石橫缸如注，虹氣飲溪乾。忽夢坐銀井，長嘯俯清湍。

又 （登甘露寺多景樓，望淮有感。）

天地本無際。南北竟誰分。樓前多景。中原一恨。杳難論。卻似長江萬里。忽有孤山兩點。點破水晶盆。爲借鞭霆力。驅去附崑崙。望淮陰。兵冶處。儼然存。看來天意止欠。士稚與劉琨。三拊當時頑石。喚醒隆中一老。細與酌芳尊。孟夏正須雨。一洗北塵昏。

又（戊戌自壽）

渤海東南界。西北倚崑崙。當時推步。但知宇內有乾坤。午夜風輪微轉。駕我浮空泛景。一息過天垠。俯眎人間世。渺渺聚漚塵。挽天吳。摩海若。吐還吞。寧用計年八十。陽九又三陰。要自白榆星外。直至黑流沙底。山與澤俱平。不論初末度。一色界如銀。

六州歌頭（送辛稼軒）

向來抵掌。未必總談空。難徧舉。質三事。試從公。記當年。賦得一邱一壑。天爲閣。淵魚靜。莫擊磬。但酌酒。儘從容。一水西來。他日會從公。曳杖其中間。前回歸去。笑白髮成蓬。不識如今。幾西風。蒙莊多事。論虱豕。推羊蟻。未辭終。又驟說。魚得計。孰能通。嘆如雲。罔罟。龍伯啖。眇難窮。凡三惑。誰使我。釋然融。豈是匏瓜繫者。把行藏。悉付鴻濛。且從頭檢校。想見□迎公。湖上千松。

滿江紅（聽撫幹示閨仲秋）

黃鶴樓前。江百尺。波橫光溢。問老子。當年高興。何人知得。最愛洞庭天際水。分明表裏玻璃色。恐今宵未必似前番。天應惜。都莫問。鴻鍾勒也。休羨。壺天謫。憶故人。霜下亂灘橫笛。便好騎

鯨游汗漫。古來蟾影何曾沒。更明年重約再來時。乘槎客。

又（登石頭城歸已月生）

頗恨登臨。浪自作騷人愁語。石城上何須苦說。死袁生褚。當日臥龍商略處。秦淮王氣真何許。與君來。蕭瑟北風寒。黃雲暮。枕鍾阜。湖玄武。生此虎。真蹲踞。看四山環合。休臨江渚。可笑唐人無意度。卻言此虎淩波去。君且住。明月爲人來。潮生浦。

步虛詞（森張門司）

休怪頻年司鑰。仙官長守仙宮。東風未肯到凡紅。先舞雲韶彩鳳。都是一團和氣。故教上苑春濃。羣仙拍手過江東。高唱紫芝新頌。

沁園春（別陳總帥。此一闕本集誤作八聲甘州）

玉局仙人。輕帆萬里。送入三吳。怪一舟如葉。元無濁物。依然姑射。滿載冰壺。昔日文君。千言成誦。不識如今記得無。新來也。春都將分付。一顆驪珠。向來田賦蠲輸。散多少。春風已與漁算。公家粗了。尊鱸而已。何妨西子。白髮江湖。印鑄黃金。時來須佩。畢竟人生。萬卷書。離情處。正秦淮歲晚。雪意模糊。

又（壽王運使）

公有仙姿。蒼松野鶴。落落昂昂。論法主長生。仍須極貴。雲臺終闕。都許徜徉。更憶當年。而今時

候一念功名下帝旁。天分付。使人間草木盡有春香。人知相法奇龐。又那識陰功事更長。算毗陵荒政。江東風采。忠文典則。凜凜生光。再歲秦淮。舳舻入夢。帷幄從來在廟堂。公歸去。好平心獻替。人望時康。

又（壽李通判）

那用招秋。休言推暑。風自薰兮。問誰解常初。識公來處。月明碧落。旆卷青霓。千丈長松起。人生意凍芋寒。瓜空滿畦。還堪怪怪。諸公袞袞。我尙憑泥。須教一舉崔嵬。算人世功名各有梯。更何須煉鼎。玄霜絳雪。只煩煮茗。水餅冰蠶。紫府多仙。招來滿座。公自長生角亢齊。何曾也有玉麟行地。老鳳梧棲。

又（謝劉小山願寄所作）

君有新詞。何妨爲我。時遣奚奴。看此山大小。風流晉宋。眼中餘子。苦自侏儒。九曲清溪。千枝楊柳。還記新條更有無。春將好。欲從君商略。君意何如。佳人玉佩瓊琚。更胸中澆灌有詩書。把古人行處。從頭檢點。今人說底。卻不須渠。更上石頭。重登鍾阜。畫作金陵攷古圖。頻相見。怕薰風早晚。便隔天隅。

又（庚午三月望日賦椿堂牡丹）

消得瑤闌。也不枉教車馬如狂。怪元和一事。韓公子者。歸來廝去。玉毀崑岡。爲解花嘲。朝來試

看采佩。霞沍露香。君休怪。算只緣太監。俗障難降。詩人未易平章。向百卉彫零。獨後裝看。洪爐大器。從來成晚。只須這著。也做花王。況是月坡花園一尺。壓盡紛紛瑣細芳。還堪笑笑。龍鍾老鳳。方入都堂。

又（讀史記有感）

試課陽坡。春後添栽多少。杉松正。桃塢晝濃。雲溪風軟。從容延叩。太史丞公。底事越人見垣一壁。比過秦關。遽失腫江神吏。靈能脫罟。不發衛平蒙。休言唐舉無功。更休笑丘軻自陋。窮算汨羅醒處。元來醉裏。真教假孟。畢竟誰封。太史亡言。牀頭釀熟。人在晴嵐杳靄中。新隄路。喜撻枝鱗角。天矯蒼龍。

錦堂春（留春）

最是元來。苦無風雨。只恁匆匆歸去。看遊絲都不恨。恨秦淮新漲。向人東注。醉裏仙人惜春。曾賦卻。不解留春。且住。問何人留得住。怕小山更有碧蕪春句。

壺中天慢（壽邱樞密。向失慢字）

日躔東井。正輪囷桂影。十分光潔。火令方中。符國運。天與非常英傑。皦皦平生。眼空宇宙。綠髮千尋雪。笑談一鎮。單于底事心懾。晚歲佛地功深。人間富貴。五湖煙水闊。誰遣心期事左。猗。酬滿麒麟勛業。又也何妨。長生仙籙。已在黃金闕。中原恢拓。要公歸任調燮。

燭影搖紅（元宵）

青旆搖風。朱簾漏月。黃昏早。蓬山萬疊。忽蜚來。上有千燈照。和氣祥煙繚繞。映瓊樓五雲縹渺。青裾綰袂。亂吹繁絃。九衢驩笑。元是翠堂。十分管領春光到。手移星宿下人寰。招客來仙島。信道邦人見少。彷徨似皇都春好。明年只恐。鰲山扈從。隨班清曉。

謁金門（用趙長幹韻）

煙漠漠。醉裏看春都錯。過了清明遲一著。牡丹重約摸。曉日漸明簷角。天與芳辰難卻。駐得韶華元有藥。桃源誰共約。

水龍吟（壽李尚書）

道家弱水蓬萊。鯨波萬里誰知得。人間自有。南昌居士。仙風道骨。詩似白星。貌如聃老。風塵挺出。向謫仙家裏。滕王閣畔。飄玉佩。下丹闕。黃髮四朝元老。又誰知。重生綠髮。手提一筆。活人多少。三千功積。已冠文昌。人人瞻望。玉樞躋偈。對新涼。酒頰微紅。宛是一星南極。

喜遷鶯（別陳新恩）

少年意氣。腦燕兵胡轅。虜王區脫。眼底朦朧。腹中空洞。不著曹劉元白。聞道殊科八中。也要彩盧連擲。收拾盡。到如今。但有寸心如鐵。天付真奇特。口靜神充。雙眼胡僧碧。楚國離騷。唐朝詞學。未信芳塵。歇。結取佳人香佩。截斷兒曹綺舌。歸去也。且爛斑戲綵。好春長日。

又（壽李文昌）

評君誰似似長松千丈離奇多節骨瘦稜稜文高聲聲今日□來仙闕走卒識公容貌會席間
公官闕更史館一編書多少頻添勛業偉絕今歲別新綠名孫又見枝生葉底事七旬雙瞳
如水畢竟桂花方發賜第彤墀秋早又一瑞樞光潔故人也念相逢誰似鳳池同列

又（壽薛尚書）

一天風露喜初行彈壓人間殘暑金母此時雲輶先降又見樞星光吐人道鴻濛逢日可是東
方明處更天上走王人絡繹儀鸞瓊醕聽語更希舉試把皇朝盛事都來數當日鼇頭皇扉
侍母綠髮方瞳□□更有飛鳧王季往往文星再聚渾休問但回班千歲貂蟬成譜

又（壽薛樞密）

去年玉燕記曾期今歲瑤光入度今日都人從頭屈指盡是黑頭公輔爭道一朝語合誰信千
齡際遇更積雨曉來晴洗出琉璃秋宇笑語知何許旆卷青霓來自鈞天所道骨仙風安排
頓著須是人間紫府要識雲臺高絕更有鳳池深處從今數看千秋萬歲永承明主

柳梢青（壽薛尚書）

官已尚書人猶寒素仙有名言謂是若人法常至貴仍主脩年唐人四字鮮妍堪照映畫堂
綵煙更對新涼一聲芝曲萬斛金缸

又（和齊仙留春）

嫩綠成堆朝來紅紫都在莓苔。方見春來。又聞春去。暗裏誰催。人生易老何哉。春去矣。秋風又來。何似雲溪。長春日月。無去無歸。

賀新郎（壽李端明本集前段第二句多紛紛二字。後段第六句多常見二字。）

袖手雲溪上。看人間。飢烏腐鼠。觸蠻交戰。便得金魚垂玉帶。多少雌黃點勘。算此語必非河漢。直自彈冠班八座。更青春。數到期頤算。一段玉。無纖玷。公難學處尤堪羨。全似□泠泠秋水。體清形健。衰處從來高一著。那肯隨人脚轉。要須是。乾坤清晏。天意未教公猛去。要都俞了卻。從公便。歌壽罽朱簾捲。

寶鼎現（壽李端明）

綠楊欲舞。紅杏微笑。春工漸侈。試僂指自從嘉定。數到寶慶。□□裏。無一歲不書年。大有問元功。誰燮理。於變雍熙。□□□。如此自當千歲。況是端笏蓬萊陞。看雍容玉立山峙。煉五色補天無跡。扶日天衢光四被。安清□填羣心聲色。恬然如談笑耳。更八荒民生奠枕。此著又當千歲。又況善述先猷。嚴武備。不開邊鄙。陰功徧南北。千歲未多疇祉。且說總是三千歲。此際方□岐嶷。聽今日處處笙歌。何止南樓十二。

念奴嬌（丙子自壽。本集作醉江月）

平生有意把六經膏澤。人人霑受。自被子明康節輩。浪說乘除先後。遇合一時。英雄千古。誰是高強手。蹉跎歲晚。臨風浩然搔首。今但入夢青山。雲谿深處。煙月生懷袖。宿有十年蕭散願。此段功緣須就。因憶坡公。仇池有約。莫誤歸時候。今朝對酒。歌此與君爲壽。

又（憶先廬春山之勝）

歸來一笑。尙看看趁得。人間寒食。阿壽牽衣仍問我。雙鬢新來添白。忍見庭前。去年芳草。依舊青青色。西湖雨後。綠波兩岸平拍。天教斷送流年。三之一矣。又是成疎隔。燕子春寒渾未到。誰說江南消息。玉樹熏香。冰桃翻浪。好箇真消息。這回歸去。松風深處橫笛。

又（初見海棠花）

嫣然一笑。向燭花光下。經年纔見。欲語還羞如有恨。方得東君一盼。天意無情。更教微雨。香淚流丹臉。今朝霽色。笙歌初沸庭院。因是思入東屏。當年手植。徧桃源低岸。失脚東來春七度。辜負芳叢亡限。問訊園丁。寧如歸去。細與從頭看。東風獨立。白雲遮斷雙眼。

傾杯樂（丁亥自壽。本集失樂字誤）

鑾殿秋深。玉堂宵永。千門人靜。問天上西風幾度。金盤光滿。露濃銀井。碧雲飛下。雙鸞影。迤邐笙歌笑語。羣仙隱隱。更前問訊。墮在紅塵今省。漸曙色曉風清迥。更積靄沈陰都捲盡。向窗
前引鏡看來。尙喜精神炯炯。便折簡浮邱共酌。奈天也未教。酩酊來歲卻笑羣仙。月寒空冷。（余

家天都山。乃浮邱仙升之地。

醉蓬萊（壽王司直）

算千葩百卉。誰伴東風。早春時候。唯有江梅。在人間長久。雪後霜前。衝涉多少。尙精神如舊。歲年年。酴酥飲了。便爲公壽。更向尊前席上。細看人與梅花。稜稜爭瘦。桃李漫山。都落芳塵後。和氣滿身。參調玉鉉。表天然孤秀。來歲今朝。星闌霧閣。一卮春酒。

又（丙申自壽）

記蟾宮桂子。撒向人間。如今時候。□□□□□□□□□□。白下長干。亂灘橫笛。想昔游依舊。大海一漚千年一息。誰稱彭壽。開徧門前丹蕊。漸西風入東籬。釀成仙酒。□□□□□□□□□□。卓筆雞籠。懸天寶蓋。占斷宣徽秀。來歲清茗。公家事了。斑衣藍綬。

西江月（壬辰自壽）

天上初秋桂子。□（今歲七月。月中桂子下。）庭前八月丹花。一年一度見仙槎。秋色分明如畫。願把陰功一脈。燈燈相續無涯。降祥作善豈其差。永作漁樵嘉話。

又（癸巳自壽）

底事中秋無月。元來留待今宵。羣仙拍手度仙橋。驚起眠龍天矯。天上靈槎一度。人間八月江湖。西興渡口幾魂消。□（癸丑八月。侍觀西興。）又見潮生月上。

滿庭芳（雪登前嶺自己西江右雪行圖月四十七年無此樂也今再見之）

未歲嘉平初旬日四雪中歸自崇唐山林湖海一氣接蒼茫踏盡玉龍千丈更一望龍尾天長
須臾上高峯四顧迤邐過前岡羣山如玉削松林百萬盡傳瓊霜渾疑是天際一鶴翱翔人
道玉皇三六欲一叩風力方剛明朝好金烏銜燭八表散祥光

又（戊戌上元喜鑾訪開桃洞）

去臘飛花今春未已迤邐將度元宵俄然甲子青帝下新條淨掃一天沈靄紅輪滿大地山河
從今好便當聽取萬國起歌謠有人當此際鉏雲深塢翦月中阿已占斷春風自種仙桃更
扶疎桂影直從巖底上拂雲梢仍爲我長摩蒼石無負此清波

又（戊戌自壽）

人道蒼姬燠多寒少故教千歲綿綿算來春夏一氣本無偏底事今年玉曆秋未朔風露泠然
君知否山深地僻自是早霜天如今當此去十分親切面問嬋娟何須看仙槎海上重還好
在金英玉屑爲我滿泛金船仍傳語橫江秀石永鎖三川

減字木蘭花

不應雙睫看盡人間花與雪曾是當時一朵紅雲擁石飛如今正好萬綠千紅深處坐也使
春工喚作天池五月風

宋六十名家詞

一一

洛水詞終

洛水詞跋

字懷古。休寧人。世系本河北洛川。自號洛水遺民。十歲詠冰。便有莫言此物渾無用。曾向潯沱渡漢兵之句。舅氏黃寺丞叱爲非常兒。挾以自隨。以平生所得二吳之學。及有聞於程大昌者。悉以付之。由鄉薦旅試南宮。時丞相趙公典舉。見其文曰。天下奇才也。擢魁多士。或以道學相猜。置本經第二。論者莫不稱抑。嘗讀宋史。詳其功業。恨未得全集讀之。癸酉中秋。衍門從秦淮購得端明洛水集二十六卷。雖考之伊子誌中。卷次遺逸甚多。而大略已概見矣。先輩稱其宗歐蘇而長於文章。洵哉急梓其詩餘二十有一調。以存其人云。古虞毛晉記。

宋六十名家詞